



Broj: 11-19-11-2-3387-I/26
Datum: 10.09.2026. godine

Na osnovu člana 43. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama (Službeni glasnik BiH broj: 39/14, 59/22 i 50/24), i prijedloga Komisije za provođenje otvorenih postupaka nabavke za 2026. godinu, direktor Federalne uprave policije, d o n o s i:

ODLUKU

o poništenju postupka Javne nabavke rukavica, kaciga i štitnika za laktove i koljena
LOT 1 - Nabavka rukavica

1. Poništava se postupak Javne nabavke rukavica, kaciga i štitnika za laktove i koljena LOT 1 - Nabavka rukavica, iz razloga što za navedenu nabavku nije zaprimljena nijedna ponuda koja ispunjava sve uslove i zahtjeve utvrđene tenderskom dokumentacijom.
2. Ova Odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
3. Ova Odluka stupa na snagu danom donošenja.
4. Za izvršenje Odluke zadužuje se Sektor za finansije i javne nabavke.

OBRAZLOŽENJE

Federalna uprava policije je provela otvoreni postupak Javne nabavke rukavica, kaciga i štitnika za laktove i koljena, LOT-1 Nabavka rukavica, po Obavještenju o javnoj nabavci 1412-1-1-232-3-181/26 od 14.08.2026.godine objavljeno u "Službenom glasniku BiH" broj:61/26, dana 21.08.2026. godine.

Dana 07.09.2026. godine, Komisija za provođenje otvorenih postupaka nabavki za 2026. godinu izvršila je radnju Otvaranje ponuda, o čemu je sačinjen Zapisnik sa otvaranja ponuda u koji su uneseni svi elementi predviđeni članom 63. stav 4. i 5., ZJN BiH.

Nakon što je Komisija sagledala sve dostavljene dokumente u ponudi ponuđača TERMOELEKTRO TRADE d.o.o. Brčko ista je konstatovala da je ponuđač u pogledu dokazivanja tehničkih specifikacija koje su tražene tenderskom dokumentacijom dostavio kataloge sa naznačenim tehničkim specifikacijama, a na osnovu čega Komisija nije bila u mogućnosti samostalno ocijeniti da li sve ponuđene stavke zadovoljavaju tražene tehničke specifikacije, te je aktom broj 11-19-11-2-3387/26 od 08.09.2026. godine zatražila angažman stručnog lica.

Dana 10.09.2026. godine u 15,00 sati, u postupku Javne nabavke rukavica, kaciga i štitnika za laktove i koljena po Obavještenju o javnoj nabavci broj 1412-1-1-232-3-181/26 od dana

14.08.2026. godine, Komisija je održala sastanak sa stručnim licem Federalne uprave policije. Tom prilikom imenovanom stručnom licu omogućen je uvid u tehničku specifikaciju zaprimljene ponude ponuđača TERMoeLEKTRO TRADE d.o.o. Brčko, nakon čega je isti konstatovao sljedeće:

- u pogledu ponuđenih protivreznih taktičkih rukavica otpornih na ubode- Granberg, koje je ponudio ponuđač na stranici 12 i 13 ponude, iste su prema dostavljenoj tehničkoj specifikaciji u skladu sa tehničkom specifikacijom iz tenderske dokumentacije,
- u pogledu ponuđenih taktičkih rukavica za spuštanje po užetu- Granberg, koje je ponudio ponuđač na stranici 14, 15 i 16 ponude, iste su prema dostavljenoj tehničkoj specifikaciji u skladu sa tehničkom specifikacijom iz tenderske dokumentacije, dok je u pogledu
- ponuđenih taktičkih rukavica otpornih na ubode- Granberg, koje je ponudio ponuđač na stranici 10 i 11 ponude, konstatovao da iste prema dostavljenoj tehničkoj specifikaciji ne odgovaraju tehničkoj specifikaciji iz tenderske dokumentacije, i to u pogledu osjetljivosti, odnosno u pogledu tanjeg materijala na vrhovima jagodica prstiju a što bi korisniku omogućilo precizno opipavanje, dok iz tehničke specifikacije ponuđenih rukavica nije moguće utvrditi da ista rukavica posjeduje antistatička svojstva (ESD) a što je traženo u tehničkoj specifikaciji u tenderskoj dokumentaciji,

a što je konstatovano zapisnikom broj 11-19-11-2-3387/26 od 10.09.2026. godine.

U odnosu na navedeno Komisija je cijnila da ponuda ponuđača TERMoeLEKTRO TRADE d.o.o. Brčko broj: 154/26 od 01.09.2026. godine ne ispunjava uslove iz tenderske dokumentacije i kao takva je neprihvatljiva za ugovorni organ, a što je konstatovano u Zapisniku o pregledu i ocjeni ponuda od 10.09.2026. godine.

Budući da je za navedenu nabavku pristigla samo (1) jedna ponuda, a koja je ocijenjena kao neprihvatljiva, Komisija predlaže donošenje odluke o poništenju navedenog lota u skladu sa članom 69. stav 2. tačka d).

Razmatrajući prijedlog Komisije, direktor Federalne uprave policije donosi Odluku kao u dispozitivu.

Pravna pouka:

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

DIREKTOR
GLAVNI GENERALNI INSPEKTOR POLICIJE

Igor Marić

Dostaviti:

- Sektor za finansije i javne nabavke
- ponuđači
- u spis

